



## UPRAVA

Broj: 03-03-01- 196/19

Sarajevo, 25.02.2019. godine

Na osnovu člana 100. stav 3) Zakona o javnim nabavkama („Službeni glasnik BiH“, broj 39/14), Pravilnika o postupku nabavke broj: PR/SN/01 od 24.02.2015. godine, u postupku jave nabavke JNR 02/2018 – Nabavka gorionika i prateće opreme, rješavajući po uloženoj žalbi, na Odluku o izboru najpovoljnijeg ponuđača broj: 03-03-01-145/19 od 14.02.2019. godine, ponuđača „ELCOM“ d.o.o. Tuzla, direktor donosi:

### ODLUKU

- o poništenju postupka javne nabavke –

#### NABAVKA GORIONIKA I PRATEĆE OPREME

JNR 02/2018

#### Član 1.

Usvaja se žalba ponuđača „ELCOM“ d.o.o. Tuzla, kao djelimično osnovana.

#### Član 2.

Poništava se Odluka o izboru najpovoljnijeg ponuđača broj: 03-03-01-145/19 od 14.02.2019. godine iz razloga što nijedna od primljenih ponuda nije prihvatljiva.

#### Član 3.

Za izvršenje ove odluke zadužuje se i ovlašćuje Služba nabavke.

#### Član 4.

Ova odluka će biti objavljena na web-stranici [www.toplanesarajevo.ba](http://www.toplanesarajevo.ba), shodno članu 70. stav 6. Zakona o javnim nabavkama.

### Obrazloženje

Ugovorni organ je dana 21.12.2018. godine pokrenuo otvoreni postupak javne nabavke JNR 02/2018 – Nabavka gorionika i prateće opreme objavom obavještenja o nabavci broj: 160-1-1-257-3-124/18 i tenderske dokumentacije na Portalu javnih nabavki.

Nakon provedenog prikupljanja, otvaranja i ocjene prihvatljivih ponuda, ugovorni organ je donio Odluku o izboru najpovoljnijeg ponuđača broj: 03-03-01-145/19 od 14.02.2019. godine kojom je ugovor za nabavku gorionika i prateće opreme dodjeljen ponuđaču „WEISHAAPT“ d.o.o. Sarajevo.

Po prijemu navedene odluke, ponuđač „ELCOM“ d.o.o. Tuzla je, dana 15.02.2019. godine, zatražio uvid u ponudu najpovoljnijeg ponuđača „WEISHAAPT“ d.o.o. Sarajevo, što mu je omogućeno dana 18.02.2019. godine u 10:30 sati. Nakon izvršenog uvida, ponuđač „ELCOM“ d.o.o. Tuzla je, dana 19.02.2019. godine, uložio žalbu broj: 63-2/19 na Odluku o izboru najpovoljnijeg ponuđača broj: 03-03-01-145/19 od 14.02.2019. godine.



Po zaprimanju žalbe, ugovorni organ je postupajući po odredbama člana 100. Zakona o javnim nabavkama, ocijenio da je žalba blagovremena, dopuštena, izjavljena od strane ovlaštenog lica i dostavljena u dovoljnom broju primjeraka.

Detaljno analizirajući navode iz žalbe, Komisija za javnu nabavku je, shodno članu 100. stav 3) Zakona o javnim nabavkama, utvrdila da je žalba djelimično osnovana.

Osnovani su sljedeći navodi ( navodi pod tačkama 4, 5 i 7 ):

- ✓ Provjerom žalbenog navoda pod tačkom 4, Komisija za javnu nabavku je utvrdila da je isti osnovan iz razloga što ponuđač „ WEISHAUPT “ d.o.o. Sarajevo u svojoj ponudi nije dostavio izmjenjeni obrazac Aneks-a 2 sa opcijom ponude do 05.04.2019. godine, a Komisija za javnu nabavku nije uočila prilikom evaluacije ponuda.
- ✓ Provjerom žalbenog navoda pod tačkom 5, Komisija za javnu nabavku je utvrdila da je isti osnovan iz razloga što ponuđač „ WEISHAUPT “ d.o.o. Sarajevo u svojoj ponudi nije dostavio original ili kopiju originalnog certifikata gorionika već samo prijevod certifikata, a Komisija za javnu nabavku nije uočila prilikom evaluacije ponuda.
- ✓ Provjerom žalbenog navoda pod tačkom 7, Komisija za javnu nabavku je utvrdila da je isti osnovan iz razloga što je umjesto 10 dana naveden rok izjavljivanja žalbe 5 dana od dana prijema odluke. Iako je žalbeni navod osnovan, očito je da se radi o propustu formalne prirode i ugovorni organ bi se svakako pridržavao odredbi člana 101. Zakona o javnim nabavkama, gdje su jasno definisani rokovi izjavljivanja žalbe.

Provjerom ostalih žalbenih navoda, Komisija za javnu nabavku je utvrdila da su isti neosnovani ( navodi pod tačkama 1, 2, 3 i 6 ) iz sljedećih razloga:

- ✓ Neosnovan je žalbeni navod pod tačkom 1. iz sljedećih razloga:
  - statički pritisak dimnih plinova nema nikakve veze sa automatskim radom gorionika nadziranjem temperature u kotlu,
  - navođenje unosa gasa pod pritiskom takođe nema veze sa automatskim radom gorionika koje treba da se vrši nadziranjem temperature u kotlu,
  - izjava koja je data na strani 95. ponude ELCOM d.o.o. Tuzla o kompatibilnosti se odnosi na kompatibilnost kotla i gorionika i ona nema veze sa automatskim radom gorionika,
  - ponuđač ELCOM d.o.o. Tuzla je u Aneksu 3a, na strani broj 25. ponude, ponudio rad gorionika preko **pritisaka**, bez obzira što je u tenderskoj dokumentaciji u Prilogu 1. tražen rad gorionika preko **temperature**. Prilog 1. se nalazi i u ponudi ponuđača ELCOM d.o.o. na strani 39, što potvrđuje da je ponuđač bio upoznat šta se traži, a ponudio suprotno.
- ✓ Neosnovan je žalbeni navod pod tačkom 2. iz sljedećih navedenih razloga:
  - na stranici 286. ponude ELCOM d.o.o Tuzla nigdje se ne spominje ponuđeni gorionik Oilon GKP-1000 M LN 80, nego je na toj stranici dat uopšteno dijagram NOx-a pri sagorijevanju gasa,
  - pregledom kataloga proizvođača opreme OILON (www.oilon.com), koja je identična tehničkoj dokumentaciji datoj u ponudi, Komisija za javnu nabavku nije mogla utvrditi da postoji gorionik GKP-1000 M LN 80,
  - Komisija za javnu nabavku je konstatovala da su u ponudi dostavljene elektro šeme za gorionik 1000...1200 M, a nije dostavljena šema za GKP-1000 M LN 80, čime se potvrđuje konstatacija da ne postoji gorionik GKP – 1000 M LN80 ili isti nije ponuđen,



- Komisija za javnu nabavku je konstatovala da je dostavljena uljno-gasna tehnološka šema na strani 101. ponude koja se takođe odnosi na gorionik GKP – 1000 M, a ne odnosi na gorionik GKP – 1000 M LN 80, čime se potvrđuje da ne postoji gorionik GKP – 1000 M LN 80 ili isti nije ponuđen,
- funkcionalni dijagram koji je dat na strani 108. ponude odnosi se na GKP-1000 M, a ne na GKP – 1000 M LN 80, čime se potvrđuje da ne postoji gorionik GKP – 1000 M LN 80 ili isti nije ponuđen,
- Komisija za javnu nabavku je konstatovala da je dostavljena tehnička dokumentacija na strani 322. i 323. ponude za gorionike GKP-1000 M, a nije dostavljena dokumentacija za GKP-1000 M LN 80, čime se potvrđuje da ne postoji gorionik GKP – 1000 M LN 80 ili isti nije ponuđen.

S obzirom da se tehnička dokumentacija koja je dostavljena u ponudi (električne šeme, uljno-gasna tehnološka šema, tehnički list sa podacima, funkcionalni dijagram...) ne odnosi na GKP-1000 M LN 80, ponuđena oprema ne ispunjava zahtjeve tenderske dokumentacije i Komisija za javnu nabavku je ocijenila neporihvatljivom ponudu ponuđača ELCOM d.o.o Tuzla. Osim toga, detaljnim pregledom kataloga proizvođača i tehničke dokumentacije proizvođača, dostavljene u ponudi ponuđača ELCOM d.o.o Tuzla, Komisija za javnu nabavku nije pronašla da je spomenut gorionik GKP-1000 M LN 80, nego se sva dokumentacija odnosi na gorionik GKP – 1000 M. Gorionik GKP – 1000 M ne zadovoljava zahtjeve tenderske dokumentacije u smislu da produkata sagorijevanja, koji moraju biti u skladu sa važećim Pravilnikom o graničnim vrijednostima emisije u zrak iz postrojenja za sagorijevanje (Sl.novine FBiH – 03/2013).

- ✓ Neosnovan je žalbeni navod pod tačkom 3. jer je Komisija za javnu nabavku pregledom ponuda utvrdila da je dostavljena kompletna tehnička i ostala dokumentacija kojom se dokazuje ispunjavanje zahtjeva tendera.
- ✓ Neosnovan je žalbeni navod pod tačkom 6. jer je Komisija za javnu nabavku pregledom ponuda utvrdila da je u dostavljenom prevodu sertifikata naveden predmetni gorionik, ali zbog činjenice da nije dostavljen original ili kopija originalnog sertifikata gorionika prihvaćen je kao osnovan žalbeni navod 5.

U postupku, prema izvještaju o radu, utvrđeno je da je, Komisija za javnu nabavku konstatovala, da nijedna od primljenih ponuda nije prihvatljiva, te shodno članu 69. tačka 2. stav d) Zakona o javnim nabavkama, ugovorni organ poništava otvoreni postupak javne nabavke JNR 02/2018 – Nabavka gorionika i prateće opreme.

Cijeneći činjenično stanje, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

Direktor  
  
Admir Džubur



#### **Dostaviti:**

1. Ponuđaču: WEISHAUPT d.o.o. Sarajevo
2. Ponuđaču: ELCOM d.o.o. Tuzla
3. Služba nabavke a/a